

揚州營志

卷一
敕諭

卷二

輿圖

卷三

建置

揚州營志序

今之營將古都尉職也務在振揚威武撲剿寇
警以捍衛地方而劫殺略賣搶奪則寇警之由
築故營伍之任其責也與有司同揚州間於江
淮鹺賈之所聚繇盛甲於東南

國初改衛為營就坐營指揮署建置統兵遊擊轄



中軍守備一左右二部千總二頭二三四司把
總四嗣裁高郵衛為本營外汛調存營千總一
為寶應之衡陽巡鹽千總又漸增設馬橋邵伯
北壩僧道橋三巡鹽把總凡汛官巡鹽者鹽官
快役皆歸鈴束繼以巡鹽與協守地方未便岐
視歸併職守又改三江營守備專司巡鹽為本
營外轄而高郵寶應兩州縣先後由存營撥防
者皆兼巡鹽之職後復改三江營隸狼鎮而
於本營設左軍巡鹽守備一前哨千總一改右
哨把總為後哨千總改遊擊為叅將共轄守備
二千總四把總七馬戰守額兵增至九百七十
有八而各汛巡鹽之職如故良以揚州聲名文

物民氣敦龐一切劫殺略賣搶奪非法之事大都出回僑流民回僑皆無賴子徒手千里冒厲禁不約而集者為揚州有私鹽可業而為利至厚故也然而凶徒既集則必時時因利便以荼毒行旅侵暴閭閻更有盜蹠餘財窒誤良善小民不明大義貪重值或為之導引搬送致罹重咎甚且裹入伙伴不聞鮑臭故法以巡鹽責成本營者非徒為阻壞官引計也凡所以塞劫殺略賣搶奪之源使寇警無由而起以正人心而靖地方所謂防亂於未萌起義至為深遠者矣余仰承先世餘澤從羣姓小侯之後需次江南大府宮保陶公不察其不肖屢試錄劇近以回

倚擾揚州甚使攝其營將黽勉視事廣布線目
督率掩捕以屬有司因思清流必激其源竊欲
究本營建置原委伏莽後途求所以掣達其要
領者而圖籍闕如無可稽按繼乃得趙君孔傳
舊輯營志十六卷稿本簡而明要而有法於巡
防鎮撫機宜信有味乎其言之矣惜所輯止乾

隆壬申閱今已八十年今昔情形既不無殊異
至於沿革增併割隸亦時有更易而本營司案
牘之外委李君北山為趙君再傳弟子能守其
家法相與鈎核存署案檔刪取要畧續載各卷
之末余以從公餘暇稍加釐定不尚文辭專明
事寔使弁卒一覽可曉捐俸為倡付之梓氏庶

以彰往察來俾因時損益戎政者有所依據焉
道光十一年七月朔日

誥授建威將軍署理江南江北揚州營叅將候補副
將世襲三等子寧夏陳述祖謨

揚州營志目錄

卷一

敕諭

卷二

輿圖

卷三

建置

卷四

經制

外轄附

卷五

疆域

形勝附

卷六

歲額

卷七

徵款

卷八

軍器

歲需附

卷九

署舍

卷十

信地

卷十一

城守

卷十二

漕政

卷十三

鹺務

卷十四

祀儀

卷十五

秩官

列傳附

卷十六

藝文

雜記附

揚州營志卷之一

敕諭志

揚州營創始前明昔之憲典失於稽考謹自

本朝纂輯倣照通志成例首編

敕諭以申敬奉之義俾臣工展卷時如覲

天顏不違咫尺至參守各印篆爰承

欽給職守所關亦得附紀於後

傳敕始自國初頒發歷世繳換茲係乾隆二年九月十四日頒發敕字三百三號已於道光四年九月

繳銷

敕江南揚州營遊擊茲命爾統領經制官兵駐劄揚州府該管

揚州營志 卷一
汛地及所屬守中干等官察照定例管轄爾須操練兵馬振揚威武申明紀律撫卹士卒嚴明斥堠防邊奸宄修濬城池繕治器械額內兵丁選補精強毋容積猾老弱糜餉本折兵餉聽該管衙門支給所部官丁必須嚴加鈐束秋毫無犯使兵民相安地方如有土寇竊發卽行撲勦勿致蔓延如遇寇警身先士卒戮力勦除不得延悞倘賊情重大卽申報狼山總兵官江南提督江南總督發兵合勦毋使滋蔓鄰壤有警星馳赴援揚州南至通州泰州如臯海門泰興等處北至廟灣東海等處與各遊擊守備互相聲援不得自分彼此失悞機宜爾仍聽江南總督江南提督狼山總兵官節制一應錢糧詞訟民事皆係有司職掌不許干預爾受茲委任當竭忠奮勇殲寇固圉斯稱厥職如貪黷乖張畏縮玩寇地方土賊不能撲勦復隱蔽不報國憲俱存必罪不宥故敕

傳敕

嘉慶二十五年 奏改參將員
缺道光四年九月初三日頒給

敕江南揚州營參將茲命爾統領經制官兵駐劄揚州府該管汛地及所屬守中干把等官察照定例管轄現在弁兵加增責任繁重爾須振揚威武申明紀律撫恤士卒防邊奸宄修濬城池繕治器械技藝必勤操練斥堠以時修明額內兵數須選補精強毋容老弱糜餉亦不得任令屬官擅行役使本折兵餉聽該管衙門支給所部官丁必須嚴

揚州營志 卷一
二
加鈐束秋毫無犯使兵民相安地方如有土寇竊發卽行撲勦勿致蔓延如遇寇警身先士卒戮力勦除不得延悞儻賊情重大卽申報狼山鎮總兵官江南提督江南總督發兵合勦毋使滋蔓鄰壤有警星馳赴援揚州南至通州泰州如臯海門泰興等處北至廟灣東海等處與各遊擊等互相聲援不得自分彼此失悞機宜爾仍聽江南總督江南提督狼山鎮總兵官節制一應錢糧詞訟民事皆係有司職掌不許干預爾受茲委任當竭忠奮勇殲寇固圉斯稱厥職如貪黷乖張畏縮玩寇地方土賊不能撲勦復隱蔽不報國憲具存必罪不宥故敕

上諭

雍正元年正月
初一日頒給

上諭諭副將參將遊擊等官朕惟國家兵制凡疆宇要地旣設提督總兵統率鎮守又設副將參將分列營伍遞相鈐轄蓋從古治兵有大帥必有偏裨所以宣揚威武協贊軍機收指臂之効奠磐石之安也爾等所屬地方有險易兵數有多寡各宜預定練兵之法親校騎射嚴試技勇簡拔驍銳更換老羸務令一營士卒人才雄健武藝精嫻又時以行陣使知步伐進退井然有法日演月習氣壯心齊自成有制之師而無難折衝禦侮矣乃有不肖將弁不勤訓練按籍徒有虛名責效毫無實濟營伍廢弛爲害最大究其弊由於將弁之貪利

而廢法一在虛冒糧而兵無實數一在剋月糧而兵有怨心上虧天家之糧餉下賸窮卒之脂膏身司戎務而不能廉正以服衆雖日示訓練之法誰爲之踴躍用命乎爾等遇有兵丁空缺卽選力勇技精者補足隊伍至於馬步各糧按期領給不得剋減分毫古之良將多以愛惜士卒克建膚功投醪挾纊之風爾等宜知嚮慕焉官軍之協守一方所以捍禦一方之百姓故曰設兵以衛民也防亂於未萌緝奸於已發俾居民安家樂業共享昇平自然受兵之利而不受兵之害倘或約束不嚴縱兵肆虐誘賭放債恃強奪利甚至地方小警漫不防禦緝捕以致奸宄滋蔓徒卸責於有司文武失和秦越相視殊背國家設兵鎮守之意律法具在責有攸歸至於爾等簡用督撫中軍責任匪輕猶宜潔己奉公恪遵法紀至都司守備千總把總等員各有城守汛防之責亦宜努力自奮功名朕念爾等曾受

皇考選擢之恩自應保守前勞力圖後效果能整飭戎伍永著干城之望朕自不惜寵以崇階倘或廢隳武備侵漁糧芻甚且妄執武官不惜死之言滋意逞威虐民生事爲害於地方王法森嚴決難輕貸特諭

印信

揚州營遊擊關防

銅質滿漢文初自順治三年六月禮部造頒順字三千二百九十五號後

揚州營志

卷一

敕諭

四

經模糊繳銷於乾隆二年三月換乾字三百二十八號茲於道光四年十二月繳銷

揚州營參將之關防 銅質滿漢文嘉慶二十五年 奏改參將員缺之後於道光四年閏

七月禮部造頒道字三百八十三號

江南江北揚州營左軍守備之關防 銅質滿漢文嘉慶二十年二月禮部

造頒嘉字一千二百二號

附

揚州府三江營守備條記 銅質滿漢文乾隆二年三月禮部造頒乾字二百二十二

號

歷年奉到

上諭則例等書

上諭人臣儆心錄一本 順治乙未年頒發

上諭書一本 康熙六十年奉發

上諭書六本 雍正元二三四五六等年奉發

上諭書二十三本 雍正元二三四五六七等年奉發


工程做法一部計八本 雍正十二年奉發

上諭一道 乾隆十五年奉到膳黃

上諭書二本 乾隆十六年奉發

欽定工部軍裝則例一部計十本 乾隆二十一年奉發

欽定新頒軍裝則例一本




揚州營志卷之二

輿圖志

揚營介在江甘高寶四州縣境凡十有一汛其間山川
 隍池水陸區里雖與郡志同矣而汛防之斥埃轄屬之
 鄰封以及操場署舍故所缺考茲特分繪諸圖俾披閱
 者明其全局也

陳
 圖



鎮營轄屬枕江襟海
控河引淮形勝全圖

揚州營志 卷二

二

揚州營轄屬總圖



揚州營志


卷二

揚州營

轄屬

總圖



三江營圖



鈔關汛圖

西

五



輿圖

東

揚州營志
西南汎圖

卷二

西

六

泗州營界

泗州營界

小店

大儀鎮汎

泗州營界

奇兵營汎界

全家集

丁古集

奇兵營汎界

陳家集汎

墩留

楚家鋪

劉家集

店牌

南


奇兵營汎界

通興集

本營僧道橋汎界

便營北汎界

本營木便北汎界



揚州營志

卷二

輿圖


東

府城

西門

南門

便北汎圖



本營僧道橋汎界

楊獸醫堤

僧道橋汎界

西南汎界

甘泉山

西

本營西汎界

劉家樓

方家巷

南

西南汎界

法海寺橋

保障湖

觀音閣

栖霞寺

平山堂

司徒廟

都城

寶祐城

小星塘

象鼻橋

雷塘


上雷塘

雷塘閘

小茅山

槐子橋

北



僧道橋汎界

唐社集

蕪城墩

越河

槐子河

瓦窰舖汎

高廟

掣鹽廳

蜀崗

上方禪智寺

羅四橋

黃金堤

迎恩橋

高橋

總把防

便北汎

天寧寺

王溝大廟

北門堆汎

小虹橋

西南汎界

城府

天寧寺儲便

三茅菴

本營鈔關汎界

運河

頭灣



東

瓦窰舖汎


本營北汎界

馬家橋汎圖

鈔關汎界
尤家渡



僧道橋汎圖




西 郁家墩

泗州營天長縣汎界

本營高郵汎界

北





本營北汎界

東

北汎界



高郵州城守汛圖

本營水南北汛界





東

高郵州水南北汎圖



衡陽鎮汛圖



揚州營志 卷二



寶應縣汛

揚州營志 卷二 真圖

揚州營舊教場基制圖



護城河

南柳巷大儒坊

營基西界



小東門

硬子街


緞子街

驛


揚州營現操西教場圖



揚州營遊擊府署原圖



揚州營參將府署圖



揚州營志卷之三

建置志

廣陵自漢建郡國以來時有兵爭武功始備東晉南渡地屬邊防唐宋之間猶爲要鎮歷以重臣制之迨明平定江淮郡初立有帥府旋置衛所官軍後因倭警增改營鎮水陸提衡

本朝神武開疆海氛永靖揚旆陸路城守居中禦侮佈信分兵倍嚴於昔是在策時之賢者留心經畫永固苞桑也

江南江北揚州營

唐東南曰揚州

虞揚州

夏淮海惟揚州

商揚州

周揚州域敬王三十四年吳城邗溝以通江淮地屬吳

元王三年地屬越

顯王三十五年地屬楚為廣陵縣

秦始皇二十六年并六國銷天下兵以廣陵縣屬九江

郡

今鳳陽

郡置尉以典武職甲卒

郡置守尉監各一人守治民尉佐之典兵

監御史

漢高帝十一年屬淮南國十二年屬吳國

景帝三年屬江都國

武帝元狩六年屬廣陵國皆以親王鎮之

光武帝建武十四年始置廣陵郡制以郡國選有材力

之民籍為材官騎士使守尉令丞典領課試以備征討

昭烈帝章武間魏吳互據

晉武帝太康元年去州郡兵置廣陵郡郡置武吏大郡

百人小郡五十人

元帝南渡郡為江左外郭時以北府兵出鎮

南宋文帝元嘉八年為南兗州置都督

揚州營志 卷三
南齊因之爲南兗州都督

梁因之爲南兗州都督

北齊以南兗州爲東廣州更置二十一軍

陳宣帝大建中仍爲南兗州都督

後周改南兗州曰吳州置總管府

隋初置揚州大都督府時每府有隊副旅帥校尉鷹揚
郎將副郎將步卒有步兵校尉騎士有越騎校尉雜典
兵馬而征防上免內聽命於十二衛衛二將軍一大將
軍判之

唐高祖武德七年立揚州大都督府及淮南節度使皆

治江都又置邗江屯

唐置淮南四屯在儀徵六合之間
曰方山屯在揚州者曰邗江屯在

泰州者曰新林屯在
泰興者曰平江屯

太宗貞觀十年定府兵凡上府一千二百人中府千人
下府八百人制以十人爲火火有長五十人爲隊立隊
正三百人爲團置團校尉而府有折衝左右果毅知府
並判府事內屬諸衛如隋制其兵甲糧裝各有數輸之
庫征行給之二十爲兵六十而免能騎射者爲越騎其
餘爲步兵每歲季冬折衝都尉帥以教戰當給馬者官
與直當宿衛者番上兵部以遠近給番遠疎近數皆一
月而更

德宗時揚州列營三十區為淮南軍既又分左右牙兵
五代梁唐晉漢時屬南唐為東都

五代周世宗顯德初取揚州置大都督府淮南節度使
宋太祖建隆初因周舊制有揚州大都督府及淮南節

度使班直邊防之外隸諸司者曰役兵隸諸州者曰鄉
兵選於戶籍或應募使之團結訓練以為所在防守

高宗南渡郡為邊鎮建炎元年陞揚州為元帥府有禁
軍有廂軍各以指揮分領之

宋制守京師之衛兵備征討者為禁軍諸州之鎮兵分給役使者為廂軍按揚之禁軍有四曰效忠曰威果曰忠節曰武鋒統以六指揮每指揮領五百人共三千九指廂軍有三曰寧淮曰裝發曰牢城領以五百人又有強勇武

鋒敢勇雄勝之屬

強勇之屬有八曰使效曰歸正曰楚效曰楚州雄邊武鋒之屬有五曰鎮江雄效敢勇之屬有一曰精銳雄勝之屬有一曰必勝及留守揚城諸軍俱

有統制官轄之

留守者曰雄邊軍曰武定軍曰遊擊水軍又曰前軍曰神武軍曰護聖馬步軍日水軍曰忠節軍曰保勝軍曰忠勇軍曰寧淮外鄉兵

使兵司鈐轄等官

元世祖至元十一年置揚州大都督及江淮等處行中

書省治江都

二十年改揚州路總管府屬河南行省

二十七年置揚州水軍萬戶府府設達魯花赤萬戶副

萬戶分新附諸軍隸之仍留蒙古軍千人為戍時以高郵泰州

兩萬戶府漢軍異地而戍揚州建康鎮江三城跨據大江人民繁會置七萬戶府

二十八年詔江淮行省遣蒙古軍五百漢兵千人從鎮

南王鎮揚州

成宗大德元年徙揚州萬戶鄧新軍屯蘄黃

順帝至正十一年置淮南江北等處行中書省治揚州

明太祖丁酉間置淮海翼元帥府旋罷

洪武元年定揚州衛指揮使司司設指揮使同知僉事

及左右中前後五所所設千戶百戶鎮撫等官並在城

分治各軍外領泰州通州鹽城三守禦所通約計軍八

千九百六十名統隸於南京中軍都督府按明軍制自京師達於外

府州縣皆立衛所大率五千六百人為一衛一千一百

軍數或有寡而千戶所統則一每一百戶所設總

旗二名小旗十名分管旗軍統歸指揮等官鈐束相聯

以成隊伍有事征伐則詔總兵官佩將印領之既旋則

上所佩將印於朝官軍各回本衛大將單身還第但揚

衛官制內有軍政掌印指揮守城坐營指揮駐瓜巡江

指揮管屯僉事操捕僉事軍政僉事員額多寡職司不

一然初多因軍功除授後以子孫世襲而所部軍丁以

十分為率八屯種二守衛輪番佚休以均勞逸他或一

九三七四六中等例皆隨地又有守城軍營指揮一員

而異少壯司守老弱管屯

中軍千戶二員操練兵馬步隊正軍一千二十五名

世宗嘉靖三十三年倭犯日熾添設整飭淮揚海防兵備道及移鳳陽巡撫都御史駐揚贊督軍務始以坐營指揮改建分守揚州等處地方叅將府署叅將一人或以遊擊將軍代之中軍有守備等官額兵千名駐劄南直隸揚州府操練水陸軍馬防禦江北信地與兵道相兼調度南接常鎮叅將東接狼山副總兵官各為聲援凡衛所官軍皆得以軍法節制之時瓜洲亦增舟師召土著及浙人習水戰者充其伍外儀真三江瓜洲江都四營按明儀真營守備一員領兵官三員部下水兵三百名大小戰巡船十七隻三江營把總一員哨官二員哨長一名統領水兵六百名大小戰船二十隻瓜洲營舊設水營官兵三百八十六員名陸營官兵一百

七十五員名添設舵兵五十名戰巡船四十二隻塘報馬十匹夜不收四名墩臺六座江都營舊設官兵三百三員名官自戰馬九匹塘報馬三十二匹夜不收三十二名防禦沿河汊港鄰近市集並歸標轄而統隸於操江都御史繼因鳳撫兵道移駐泰州整飭

海防其江防信地悉歸揚營端鎮焉萬歷江都縣志教場在新城楊柳巷

東舊額守城軍營官軍千二十五名近因窮竄減半而操練諸事則隸之叅將或以遊擊代署開府教場西隅又揚郡衛兵自轉漕輪戍之外厘厘城操二百餘人本縣民壯二百四十一名內該別州縣四十五名正役皂甲六十六名內副役數如之皆隸營備教場操練雍正揚州府志明嘉靖間倭警改坐營指揮設揚州營遊擊將軍署叅將府事一員守備一員額兵千名凡衛所官軍並儀真三江各營汛備弁兵馬水陸信地皆受其節制時揚土著兵率豪強有力者所充詭寄以勢要挾將領不能詰臨閱期則僱丁壯習技者虛應當散餉則盡括以肥已而什三給之主將弗敢問也營伍墮壞至此雖有千名之額其實虛糜糧餉耳按明營制每步兵十

二名爲一隊三隊爲一旗旗總一名三旗爲一局百總
一名鎗銃各半三局爲一司把總一員二司爲一部千
總一員三部爲一營營設將官一員中軍一員以統
之凡一營共官一十一員兵一千九百四十四名

莊烈帝崇禎十一年流氛擾攘兩淮鹽漕太監楊顯名
請設保揚營選練壯勇數百人束於標下遊擊統領與

舊設忠義神武二營相爲犄角按明崇禎十年兩淮鹽
法壅滯糧艘回空夾帶

私離特以御馬監太監楊顯名駐揚督理鹽漕查飭信

地時城西平原無險顯名於柴河口開築新濠阻寇直

突繼修兩城堞鋪郡賴以安復請建保揚義倉以便兵

民又於城西北大明寺前用價買民地一方建立保揚

營招選勇悍收入標伍不致游手生事

誠爲善策今之教場卽保揚操基也

十七年福藩駐省以閣部史可法督師江北開府揚郡
時城內有左右前後等營叅將及各鎮官兵軍勢頗衆

未幾

王師剋平

是時鹽政有標下中軍官兵 國初猶存後經
裁汰今運司東園門外迤北尚有火器營基地
及新城營守備
俱各駐防揚郡

國朝順治二年四月戡定郡城裁革衛所官軍時揚州衛
止設守備

一員千總八員耑司屯
田漕運無地方之責

三年三月建立揚州營置統兵遊擊官一員標下設中

軍守備官一員左右二部千總官二員頭二四司把總

官四員有馬戰兵二百名無馬戰兵八百名遊擊員下

明字號座船一隻兵丁營馬一百匹遊擊駐劄揚州府
新城內守備坐營

專防揚州府新舊二城守汛千總一員專防府城外東
南今鈔關汛一員存營司差把總一員專防府城外西

南汛一員專防府城外東北今便北汛一員存營領糧一員存營領餉俱各輪迭操防船馬初年雖經額設無奉官駐劄江南省揚州府江都縣境官兵日事操練分

守所屬陸路內地其沿江之墩臺戰艦信地悉割隸瓜

洲水師營轄焉自營盤西南去七十里至儀真營康熙三年

改爲奇兵抵大江南去四十里至瓜洲營亦抵大江東

去一百二十里至泰州營又三百里東抵狼山營大海

北去一百二十里至高郵衛

七年六月奉文裁汰兵丁二百名時經制額官八員馬兵一百六十名步兵

六百四十名官兵自備差操馬四十四匹後始奉文公朋購補

十四年十二月奉文裁撤把總官一員抽兵二百名移

改水師防崇時經制額存官七員馬兵六十名步兵五百四十名

十六年五月海逆鄭成功犯省奉調遊擊佟元年統領

官兵分駐嘶馬鎮口岸沿江等處堵禦復追勦至三岔

河六月凱旋是冬

少保楊捷以總兵鎮守揚州尋移捷山東又以塞白理代

之嗣京口分設重鎮裁撤揚州軍仍以營務歸遊擊專

統按順治十六年添設京口水師大鎮其左路總兵官駐劄揚州府嗣移鎮瓜洲

是時江海戒嚴揚郡江防自青山東至廖角嘴則有儀真營守備瓜洲水師營參將三江營守備防守統歸

總督節制之其海防則有大河營守備狼山營副將泰州營守備防守歸總漕節制之後於康熙二十四年奉

裁右鎮三十六年復裁左鎮改設京口水師營副將及撤三江營官兵改駐泗州營其餘右鎮裁兵奉文添防

揚州營志 卷三
徽六壽常鎮揚泰七
營及鳳穎一帶地方

康熙元年狼山協鎮改設總兵官以揚州營隸其統轄

二年十一月於重地衝繁等事案內裁抽兵一百名歸

總漕標營

時經制額存官七員馬兵五十名戰兵一百名守兵三百五十名內存江寧將軍標閑甲

坐缺守兵二十一名時揚營兵制始定馬一戰二守七之分

四年六月奉江南總督檄調存營千總官一員馬步兵

五十名駐防高郵州城汛

五年九月奉狼山總鎮檄撥存營把總官一員馬步兵

五十名駐防寶應縣城汛

二十一二兩年於各省保泰微權等事案內奉文裁汰

馬兵一名戰兵六名守兵八名抵補江蘇安徽二撫標

二十二年十月奉文裁除存營江寧將軍標閑甲守兵

二十一名撥派徽州六安二營

是時揚額甚減經制止存官七員馬兵四十九

名戰兵九十四名守兵三百二十一名

二十五年正月於仰遵分設營制等事案內經督提兩

衙門會請將奉裁京口右路水師鎮標官兵內撥左營

把總一員馬兵二十一名戰兵四十六名守兵一百六

十九名補揚

內撥添高郵汛步兵五十名寶應汛步兵三十名是時經制共官八員馬兵七十名

戰兵一百四十名守兵四百九十名

二十六年正月奉文派裁馬兵三名戰兵六名守兵一

十六名

時經制額存官八員馬兵六十七名戰兵一百三十四名守兵四百七十四名

三十四年十二月於欽奉

上諭事案內奉文裁減戰兵二十六名

時經制額存官八員馬兵六十七名戰兵一百

八名守兵四百七十四名

雍正二年九月於酌添緝私等事案內經兩江總督請

調存營千總官一員馬步兵三十名並撥泗州營步兵

二十名端駐寶應縣衡陽鎮巡緝湖西水陸俵梟私鹽

其鈔關汛則以司差把總官駐防十二月於欽奉

上諭事案內奉文裁抽各員溢額隨丁戰兵一名守兵六名撥

歸太湖營

時經制額存官八員馬兵六十七名戰兵一百七十七名守兵四百六十八名

五年十月於請

旨事案內奉文裁抽戰兵一名守兵一名撥歸南匯營

時經制額存官

八員馬兵六十七名戰兵一百六十六名守兵四百六十七名

七年六月於敬陳管見等事案內奉文設立外委千總

二員外委把總四員協防各汛

例以兵二百名准設外委把總一員兵四百名

准設外委千總一員於各營馬兵額內考補給委咨部註冊外給隨丁守糧一分於乾隆九年奉文

奏報改入經制官內

九年八月於酌議蘇郡地方營制等事案內奉文裁抽

各汛京塘守兵一十四名撥歸蘇州城守營左軍

時經制額

定遊擊官一員守備官一員千總官二員把總官四員馬戰兵六十七名外委在內步戰兵一百六十六名守兵四

揚州營志
卷三
百五十
三名

十一年九月於酌籌除弊緝私等事案內經兩江總督

請於江都縣之馬家橋甘泉縣之邵伯北壩僧道橋建

立三汛添設巡鹽把總官三員馬戰兵九名步戰兵二

十四名守兵五十七名按儀徵縣之青山頭亦設巡鹽

揚營經制共遊擊官一員守備官一員千總官二員把

總官七員馬戰兵七十六名步戰兵一百三十名守兵

五百一十名

十三年十月於移駐道員等事案內經兩江總督請於

三江營添設陸路巡鹽守備官一員馬戰兵八名步戰

兵二十二名守兵五十名就近歸揚營遊擊管轄時揚營經

制共遊擊官一員守備官二員千總官二員把總官七

員馬戰兵八十四名步戰兵一百五十二名守兵五百

六十名

乾隆元年正月於敬陳末議等事案內奉文設立火器

外委把總四員存營教操二年裁缺例以烏鎗一百二

總一員於各營烏鎗戰兵額內考補給委咨部註冊外

給隨丁守糧一分未幾議裁不設如能習練弓馬者准

其一例考拔至十三年始行汰除

二十七年二月於敬陳管見等事案內奉文揚郡十二

門三水關門禁鎖鑰委官三十員土兵九十二名歸遊

旨議奏事案內設立額外外委三員存營差遣

此項員缺在馬兵內選拔仍歸

馬兵額數

四十七年正月於遵

旨議奏事案內奉文裁汰各員隨糧虛兵六十七名內派馬兵

八名戰兵四十四名守兵十五名

四十七年二月於遵

旨議奏事案內抽撥守兵三名歸壽春鎮標

四十八年正月於遵

旨議奏事案內奉文裁汰公糧守兵二十名

時經制馬戰兵七十六名步戰兵一

百八名守兵五百二十二名

四十八年三月於遵

旨議奏事案內以揚州水陸衝要添兵八十名內派步戰兵五

十六名守兵二十四名又於六月內奉文凡添兵營分

增設額額外委一員亦在馬兵數內選拔

時經制官缺馬戰兵數俱

如故步戰兵一百六十四名守兵五百四十六名

嘉慶十一年於欽奉

上諭事案內奉文以揚營改隸漕標仍歸狼山鎮兼轄其三江

營官兵卽歸狼鎮親標不隸揚營轄又抽裁西南汛把

總一員兵二十五名內派馬戰兵三名步戰兵五名守

兵十七名撥歸新改徐州鎮標所遺西南汛操防事務

以便北汛把總兼任之

時經制額設遊擊一員守備一員千總二員把總六員馬戰兵

六十五名外委額外在內步戰兵一百三十七名守兵四百七十九名

十四年三月遊擊德壽以寶應為北來首汛地方緊要差務繁雜稟准將衡陽汛千總改駐寶應城守汛以寶應把總改駐衡陽汛緝私

十三年奉兩淮鹽政檄飭江甘二縣召募民壯二百名貼防揚郡十城門由運庫給發工食並籌款於城門附近購買民房改建棲息製給號衣器械等件歸有司管束嗣於十五年九月奉裁去一百名挑留一百名歸營專管仍派防門禁隨同各門門管查緝私鹽食鹽務工

食

十八年六月於遵

旨另籌等事案內經督漕撫提會議海揚二營添兵五百名即

由江安各營分別裁撥以二百名歸海州營以三百名歸揚州營按馬一戰二守七之例拔募並添設守備一員為左軍駐札郡城徐寧門外帶兵五十名專管催漕緝私千總一員為前哨駐新城作城守汛中軍守備協防把總二員一駐附城還補前裁之西南汛一駐高郵湖西水北橫黨橋帶兵二十五名巡防外委三員一駐郡城協同千總教操一駐界首鎮為高郵汛千總協防

帶兵十名巡防與原設城守協防外委劃界分任一駐高郵湖西水南菱塘橋帶兵十五名為水北汛把總協防額外外委三員留營差遣所有外委額外六缺在添設馬兵數內選拔其餘兵丁於揚州高郵寶應三處城守地方分駐是時改隸兩江督標仍屬狼鎮兼轄按經制官兵共遊擊一員守備二員千總三員把總八員馬戰兵九十五名外委額外在內步戰兵一百九十七名守兵六百八十九名

二十五年奉兩江總督以揚營前經奏明改隸督標所轄備弁兵數增添操防事務殷煩將遊擊員缺奏請改

陞參將職分較崇庶資統領彈壓

按嘉慶二十五年四月奉兩江總督檄准

兵部咨武選司案呈議覆內閣抄出兩江總督孫玉庭奏稱揚州營向係額設遊擊本隸漕標濱臨運河為各省往來通衢商賈雲集五方雜處額設員弁兵丁不敷巡防差撥經前督臣百齡奏准改隸督標添設守備千把總外委額外等官兵丁三百名現在該營共轄備弁三十員兵丁九百八十一名統資訓練操防事務殷煩該營所轄官兵額數既多請將揚州營遊擊員缺改陞為參將職分較崇足資統領彈壓揚州營既請改為參將自應於稍簡營分參將內酌改遊擊以符缺數定額查有提標金山營參將地非孔道較之揚州營所轄員弁計少一半兵丁亦少二百六十餘名鈴束操防較易應請改為遊擊以抵揚州改陞參將之缺所有揚州營改陞參將員缺查現任該營遊擊尹國均節年催漕出力並于前督臣百齡閱兵案內奏明記功俟有缺出奏請陞補該員訓練勤明人亦體面仰懇卽以尹國均陞補新改參將以收駕輕就熟之效至金山營改為遊擊係屬沿海應照例仍歸外題現任參將孫善長察看年力衰庸現在另請勒休以肅軍政等因一摺於嘉慶二十五年三月初一日奉 硃批兵部議奏欽此欽遵抄出到部 臣等伏查各省營分將領有統轄操防訓

練之責必須銜缺相當方足以資表率而符體制其有
 今昔情形不同應行酌改者自應隨時籌議以期整肅
 營伍今該督奏稱揚州營遊擊本隸漕標從前所轄僅
 設守備一員千把弁委十八員兵丁六百餘名嗣以揚
 郡濱臨運河為各省往來通衢商賈雲集五方雜處額
 設員弁兵丁不敷巡防差撥經前督臣百齡奏准改隸
 督標添設守備一員千總一員把總二員外委額外各
 三員兵丁三百名現在該營共統轄備弁三十員兵丁
 九百八十一名該營所轄官兵額數加增既多於他營
 責任較前繁重而銜缺仍沿舊秩於表率體制未協請
 將揚州營遊擊員缺改為參將則職分較崇庶于繁要
 兵多之地足資統領彈壓惟揚州營既因事繁責重請
 改參將自應于稍簡營分酌改遊擊以符員缺定額查
 有提標金山營參將駐札金山縣城地非孔道所轄員
 弁較之揚州營計少一半兵丁亦少二百六十餘名鈐
 束操防較易應請改為遊擊以抵揚州改隸參將之缺
 等語查揚州營遊擊金山營參將俱係題補之缺今該
 督以揚州營遊擊所轄兵額較前額數加增責任繁重
 請改為參將金山營參將兵額較前額數少請改為遊擊
 因時制宜于員缺定額并無加增應如所奏江南揚州

營遊擊准其改為參將金山營參將仍應在外題補該督奏稱查
 有揚州營遊擊改隸參將均由該營守備薦陞今職節年催漕
 揚州營遊擊改隸參將均由該營守備薦陞今職節年催漕
 出力經前督臣百齡於閱兵案內奏明記功俟有缺出
 奏請陞補在案該員訓練勤明人亦體面請以陞補新
 改參將以收駕輕就熟之效等語查定例遊擊以陞補新
 俸二年保題陞用又定例武職各官遇有一切失察公
 罪罪止降級留任者如平日緝捕認真著有成效該大
 臣灼知其人材出眾堪以陞調者遇有應題缺出出具
 切實考語聲明事故題請陞補兵部題覆准其陞署將
 事故均於新任俟開復後另行題請實授各等語遊擊
 尹國均歷俸已滿二年任內有降二級留任一案帶于
 級留任一案該督既經聲明節年催漕出力及挈獲逃
 遣私鑄人犯咨部議敘並于閏兵案內奏明俟有缺出
 奏請陞補在案應准其陞署江南揚州營新設參將所
 有降二級留任一案降一級留任一案帶于新任俟開
 復後另行題請實授該員引見已滿三年應令
 該督給咨赴部臣帶領引見後給與劄付令其
 赴任其江南金山營改設遊擊員缺應准其照例仍歸
 外題應令該督揀員請補現任參將孫善長既據該督

聲稱察看年力衰庸另請勒休等因臣部另行照例辦理所有揚州營改設參將金山營改設遊擊應支俸廉馬乾等項銀仍係各按原數支領毋庸另議增減其應換關防應俟命下之日臣部行文該督照例報部改頒以昭信守所有一切未盡事宜應俟分別題咨到部再行辦理等因一摺于嘉慶二十五年三月十七日發報具奏本月十八日奉旨依議欽此

二十五年七月遊擊尹國均於改設參將酌議未盡事宜案內查得仙女廟地方商賈雲集私鹽易于透漏六開地方係商鹽船隻出運要津刁李二圩素稱窩頓私鹽之所請將存城協操之外委一員移駐仙女廟為馬家橋汛把總協防再添設外委二員一駐六開為邵伯汛把總設防一駐刁李二圩適中地方為僧道橋汛把總協防又請添額外一員駐防水北汛協同把總差巡二十五年十二月奉狼山總鎮以邵伯汛把總請改後哨千總議裁馬兵十一名改為步戰兵將裁馬改戰節省之銀抵支千總廉俸其遺把總一缺撥歸三江營仍舊支食鹽務俸餉再添設額外一員作為把總協防統歸未盡事宜案內由司造冊督撫提三衙門會疏具題道光二年十一月初八日奉

旨依議欽此

道光三年二月於查議會奏事案內奉文裁抽守兵三

名撥歸潁州營

時揚營經制官兵參將一員守備二員千總四員把總七員馬戰兵八十四名

外委額外在內步戰兵二百
八名守兵六百八十六名

四年七月泗州營貼防衡陽汛緝私兵丁二十名撤回
四年閏七月叅將張佑溪稟准添設額外六員以二員
存營幫操兵技接應差使以四員分駐鈔關邵伯高郵
寶應沿河四汛協同千把外委催儻巡緝接護差徭
四年十二月署叅將舒大鯤以馬家橋汛界當江甘興
泰四州縣接壤實爲私鹽出沒官引轉運門戶稟准添
設額外一員駐巡又查得高甘泰犬牙相錯之下河樊
汶永安一帶爲場私透漏總匯地方在存營額外內選
派一員帶兵十名駐巡

七年九月奉兩江總督以左軍守備奏明移駐高郵仍
專司催漕緝私之事其地方操防一切事宜歸原設之
城守千總所有左軍守備原帶兵丁五十名江甘一帶
地方催巡事務責成叅將派弁管帶按半年一次更替
九年正月十三日奉准兵部議覆衡陽汛與寶應汛劃
界分防一案以衡陽汛把總帶兵二十五名分駐觀音
寺外委一員帶兵十五名分駐黎城鎮西岸堤下湖西
一帶村莊有盜竊案件歸衡陽汛專管承緝西岸以上
及運河一帶東南北三鄉有盜竊案件歸寶應汛專管
承緝該汛原設兵二十四名寶應汛抽撥兵十六名共

成四十名湖西盡屬水鄉官兵巡緝非舟莫濟請設湖船四隻以資駕巡經運司議以庫貯支絀無項建造請照各營僱船巡緝之例運庫給發僱價暫行僱船駕巡俟庫充再行造辦

揚州府城守汛

宋初因周舊築大城後留駐先鋒馬軍諸部寨揚郡城守始此

元揚州路有蒙古軍漢兵戍守

明初年剋揚州於大城西南隅改築府城置衛所有守城坐營官軍嘉靖間倭警增改揚州叅將府並中軍守備司繼築新城後有新城營守備各官兵駐守

國朝

順治三年三月建立揚州營以遊擊標轄中軍守備官一員坐營耑防揚州府城守汛其千把六員領兵一千名各分部司管束輪防外汛

七年六月裁存營兵二百名

十四年十二月裁存營把總一員兵二百名

康熙二年十一月裁存營兵一百名

四年六月調存營千總一員兵五十名防高郵州

五年九月調存營把總一員兵五十名防寶應縣其揚

郡城外之東南汛則駐千總一員兵六十名西南汛則

駐把總一員兵四十名東北汛則駐把總一員兵三十

名時存營城守差操兵共二百七十名附錄康熙六年八月於遵諭敬

陳等事案內赴江寧府領回移駐江省福建投誠兵三十二名又十一年於請移佈水師等事案內領回瓜洲

靖江二營裁兵六十三名又十三年四月於徐汰兵數已足等事案內領回狼鎮右營溢額福建投誠兵十一

名又二十三四年於酌減多兵等事案內領回崇標裁兵六名徽州營裁兵二名以上共計兵一百一十四

名陸續到揚遇缺補伍又康熙十一年十月於投誠官兵循例墾荒等事案內解赴督轅轉發江寧等衛墾荒

兵二十名又十七年四月於請調砲手配船等事案內奉江督檄調砲手守兵二十六名配船赴岳攻勦吳逆

又本年六月於敬陳經理河工等事案內奉督提會調戰兵十名守兵二十一名撥官解赴總河軍前派防河

工以上共計兵七十七名陸續調除缺歸營補

二十一二兩年陸續裁兵三十六名

二十五年正月奉撥京口右鎮把總一員兵二百三十

六名入營續派裁兵二十五名及添防各汛去兵一百

一十三名其餘在隊差操兵二百六十六名歸存營司

差把總領之而中軍守備則率城守佔役兵六十六名

尚防揚州府新舊兩城門關庫獄地方共派堆汛一十

五所防兵三十名內小東門外頭鋪馬軍營二鋪鈔關

鋪馬監前半鋪關南頭半鋪懷遠坊司前三鋪新興坊四望亭軍儲倉後所二半鋪右所頭半鋪太平坊以上

堆汛各派防兵二名

三十四年十二月裁兵二十六名

雍正二年九月添設衡陽汛調去兵三十名以存營司

差把總一員撥防鈔關汛十二月裁兵三名內遊擊溢額隨丁守

兵二名守備戰兵一名

五年十月裁兵二名

七年六月於存營馬兵內改設外委千把總六員及隨丁守兵六名協防各汛

乾隆元年二月於存營戰兵內改設火器外委把總四員教習鎗砲經管軍火局後奉裁缺

二十七年十一月設立額外外委把總三員在馬兵內選拔存營差遣

四十七年二月裁守兵三名

四十八年正月裁公糧守兵二十名是年三月添步兵八十名六月添設額外外委把總一員在馬兵內選拔嘉慶十一年奉文裁汰兵二十五名

十八年添設左軍守備官一員千總官一員外委把總官一員額外外委把總三員兵二百名駐城

二十五年撥外委把總一員移駐馬家橋汛撥馬兵一名改拔額外外委把總駐水北汛又裁馬戰兵十一名改爲步戰兵

道光三年二月裁守兵三名

四年添設額外外委把總七員在馬戰兵內選拔以五

員分防外汛以二員存城差操

七年左軍守備移駐高郵撥兵二十名歸高郵汛

按存城官

兵額數歷年增添裁改分防外汛前後不一現今實駐

參將一員守備一員千總一員額外委九員馬步兵四百四十九名

江甘二縣西南汛

初隸江都縣境雍正十年析汛西北屬新設甘泉縣境

明崇禎間為保揚皂勇二營官兵駐操之地

國朝順治三年三月建設揚州營後以把總官一員領兵

四十名派守揚州府城外西南汛

康熙初年設大儀集汛派兵巡防

二十五年西南汛共額官兵四十一員名分派塘汛六

所內把總官一員駐汛遊巡兵一十七名安設西門外

步兵五名大儀鎮步兵六名後撤二名陳家集步兵

五名後撤三名甘泉山步兵二名後增二名廣陵

館驛前步兵三名後撤二名新集鎮步兵二名

四十等年續添石馬橋步兵三名後撤二名

雍正七年六月添設外委把總官一員額係揚營馬兵

守兵一名十三年添置帽兒墩楚家鋪二塘撥步兵四名後經撤

回舊因壽亭泗六廬五協營隸狼鎮標轄往來郵傳絡

釋故於甘泉山大儀鎮適中添設二塘專司接遞嗣

於乾隆元年壽春改設總鎮公文漸減於六年詳撤

乾隆七年秋被水災黎遍野經兩江總督宗室德沛檄委督標中營中軍都司羅應廉領兵七十五名駐劄西

門外法海寺巡防府城西北一帶關廂後撤

嘉慶十一年奉裁把總歸徐州鎮標其把總事務委便

北汛把總兼防至十八年添設官兵案內復設按該汛係附城

西鄉現管塘堆七處汛兵十五名西門外堆兵一名石馬橋汛堆兵一名館驛前汛堆兵一名新集汛防兵二

名陳家集汛防兵二名甘泉山汛防兵四名大儀汛防兵四名把總外委並專操存城鎗砲各兵技藝

甘泉縣便北汛

宋寶祐城夾城在其境故廣陵縣在汛北鄉十八里

明屬揚州衛所守禦信地

國朝順治三年三月建設揚州營後以把總官一員領兵

三十名派守揚州府城外西北汛

康熙三十等年設瓦窰鋪僧道橋鎮黃珏橋鎮三塘各

派兵巡防內安設瓦窰鋪步兵三名僧道橋步兵四名黃珏橋鎮步兵三名

雍正三年移瓦窰鋪汛於河東隸鈔關轄仍兼管河西

汛防

七年六月添設外委把總官一員額係揚營馬兵改補給以隨丁守兵一名

十二年十月析汛北之僧道橋黃珏橋二塘防兵歸新

設僧道橋巡鹽把總官轄

乾隆七年水災後府城西北一帶關廂駐有督標官兵

遊巡彈壓事平撤還

嘉慶十一年西南汛把總事務歸並兼防至十八年添

設官兵案內復設西南汛官兵不隸便北汛兼防按該汛為
附城北郭現止便北二門外堆兵二名並無墩
鋪防兵專管本營僉差事務並操練牌兵技藝

江都縣鈔關汛

明嘉靖間經畫防倭設江都營官兵時鈔關沿河險要
信地隸焉

國朝順治三年三月建設揚州營後以千總官一員領兵

六十名派守揚州府城外東南汛按營建於初年則附

汛官兵由
此分派矣

康熙初年設有邵伯鎮揚子橋鎮灣頭鎮露筋鎮四塘

各派兵巡防時以存營百
總管隊撥派

二十五年東南汛共額官兵三百六十員名分派塘汛

六所內千總官一員駐汛遊巡兵二十三名安設鈔關

塘堡馬兵三名後撤一名查糧船數步兵一名楊

子橋步兵四名石人頭馬兵一名後撤步兵二名東關

塘撥步兵二名灣頭鎮步兵三名邵伯鎮馬兵一名步

兵七名露筋鎮步兵二名仙女廟步兵二名宜陵鎮馬

兵一名後撤步兵三名馬家灣步兵五名其操差兵二

百九十九名則隸存營司差官

三十四年十二月奉文裁兵二十六名其餘存營差操

兵二百七十三名悉歸司差把總管理

三十等年續添墩塘七所派兵二十三名內三十六年
間添設五臺

山步兵二名後增兵三名五里墩步兵二名後又添文
峯閣步兵二名缺口門外步兵二名四十七年間添設
新河灣步兵五名嵇家閘步兵五名
東西灣步兵五名即今之八塔鋪汛

四十七年閏三月奉狼山總鎮檄撥標轄右營千總孫

起龍領兵五十名分派鈔關汛之邵伯鎮暫添巡防後

經撤回按邵伯鎮二鋪晏公廟安兵十名四鋪西寺安兵十名下橋鄉玉皇閣安兵十名八鋪城隍廟安

水災黎叢集每滋事端是以駐兵彈壓

五十年奉江南提督於步戰兵內改設哨官二員一駐

揚子橋一駐嵇家閘添造巡船率兵駕緝時揚子橋新河灣五臺山

灣頭鎮東西灣嵇家閘露筋鎮七塘各增水兵一名

五十等年續添墩塘三所派兵一十名內五十一年添設于家磚橋步

兵二名後又添謝家鋪步兵四名腰鋪步兵四名時各塘兵數增減不一

雍正二年九月奉文鈔關汛千總官領兵移駐衡陽鎮

以存營司差把總官調防時移瓦窰鋪步兵二名駐巡

運漕河東歸鈔汛轄

七年六月添設外委把總官一員協防額係揚營馬兵改補給以隨丁

守兵一名

八年添置碾子頭步兵五名

九年八月奉裁鈔關邵伯露筋三京塘守兵六名

十年添置楊家渡步兵四名

十二年十月析汛東之仙女廟楊家渡宜陵鎮馬家灣

謝家鋪五塘防兵歸新設馬家橋巡鹽把總官轄析汛

北之瓦窰鋪八塔鋪邵伯鎮碾子頭嵇家閘腰鋪六塘

防兵歸新設邵伯北壩巡鹽把總官轄

乾隆七年秋水大漲災黎趨揚就食沿河散集經兩江

總督宗室德沛檄委督標左營千總官一員領兵七十

五名駐劄東關泰山行宮巡防揚城東南一帶關廂事

平後撤

道光四年閏七月添設額外外委把總一員十年十月

叅將周祐稟明專駐該汛仙女廟巡緝按該汛為附城東南郭水陸要

衝自分設馬家橋邵伯北壩二汛撥管塘汛兵丁及本

營添設千總改置操防之後現在額設戰守兵四十三

名墩鋪堆撥十處內東石人頭汛防兵四名揚子橋汛

防兵五名五里墩汛防兵五名新河灣汛防兵五名文

峯閣汛防兵五名缺口汛撥兵二名東關汛撥兵四名

五臺山汛防兵五名灣頭汛防兵五名千家磚橋汛防

兵三名把總所帶遊巡兵十名係在存城操防兵

內派撥又塘撥馬兵二名亦係本營馬兵派值

江都縣馬家橋汛

明以前兵制無設

國朝順治初年地隸揚州營東南汛防

康熙初年至雍正十年其地共設塘汛五所派兵二十

名內安設仙女廟步兵四名楊家渡步兵四名宜陵

鎮步兵四名馬家灣步兵四名謝家鋪步兵四名
雍正十一年七月奉文建立馬家橋汛添設巡鹽把總
官一員兵三十名駐防
十二年六月始經拔募官兵建造署械嗣分鈔關汛轄
運鹽河之仙女廟楊家渡宜陵鎮馬家灣謝家鋪五塘

防兵二十名就近歸併管

乾隆元年添設外委把總官一員旋奉部裁

五年添置宜陵鎮塘撥馬兵二名八月於馬戰額內改設額外外委把總官一員協巡

八年正月因水災後奉調把總官一員領兵二十名暫駐永安鎮遊巡嗣以汛防需員於馬橋北壩二汛額外外委內輪派帶兵一十名事平撤還

五年添置宜陵鎮塘撥馬兵二名以本汛同僧道橋僻汛鹽務馬兵輪派是年八月於馬戰兵額內改設額外外委把總官一員協巡未久奉裁仍歸馬戰原額

四十七年正月裁養廉虛兵五名

嘉慶二十五年七月添設外委把總官一員爲協防駐仙女廟係本營城守外委把總移撥

道光四年十二月添設額外外委把總一員協巡

甘泉縣邵伯北壩汛

明以前兵制無設

國朝順治初年地隸揚州營東南汛防

康熙初年至雍正十年其地共設塘汛六所派兵三十

一名

內安設瓦窰鋪步兵五名八塔鋪步兵五名邵伯鎮馬兵一名步兵五名碾子頭步兵五名嵇家閘步兵五名腰鋪鎮步兵五名

雍正十一年七月奉文建立邵伯北壩汛添設巡鹽把總官一員兵三十名駐防

十二年六月始經拔募官兵建造署械嗣分鈔關汛轄運漕河之瓦窰鋪八塔鋪邵伯鎮碾子頭嵇家閘腰鋪鎮六塘防兵三十一名就近歸併管轄

乾隆元年添設外委把總官一員旋奉部裁

五年八月於馬戰額內改設額外外委把總官一員協巡未久奉裁仍歸馬戰原額又邵伯鎮塘撥馬兵一名撤回本營該處塘馬卽在鹽汛馬兵內輪派四十七年裁養廉虛兵五名

嘉慶二十五年七月添設外委千總官一員爲協防駐邵伯六閘是年十二月改設千總其把總缺裁補三江營

道光四年閏七月添設額外外委把總一員協巡

甘泉縣僧道橋汛

明以前兵制無設

國朝順治初年地隸揚州營西北汛防

康熙初年至雍正十年其地共設塘汛二所派兵六名
內安設僧道橋步兵三名黃珏橋步兵三名

雍正十一年七月奉文建立僧道橋汛添設巡鹽把總

官一員兵三十名駐防

十二年六月始經拔募官兵建造署械嗣分便北汛轄北鄉之僧道橋黃珏橋二塘防兵六名就近歸併管乾隆元年添設外委把總官一員旋奉部裁

五年八月於馬戰額內改設額外外委把總官一員協巡未久奉裁仍歸馬戰原額

四十七年正月裁養廉虛兵五名

嘉慶二十五年七月添設外委把總官一員爲協防駐刁李二圩適中之處

高郵州城守汛

漢初天下郡國兵番宿者悉隸南軍南方有樓船楚地有劍容

唐府兵在淮南者四屯張顥分淮南兵爲左右牙兵高郵隸焉

宋立兵制在揚有強武軍後留守於揚在高郵爲武鋒軍郭杲客軍於高郵招充戍揚州

元置高郵萬戶府漢軍於至元二十七年與泰州異地而戍

明立高郵衛指揮使司屬南京中軍都督府文職贊幕爲經歷司武職理問爲鎮撫司分治各軍有左右中前

後五所衛所各設指揮千戶等官共置旗軍六千七百二十名隨操民壯四百二十名尋減至三百一十名每所百戶統一百二十名內一千人春秋兩班令所管百戶總小旗帥赴京師於御前試驗定賞罰曰京操巡按各道御史以時操閱曰城操有警禦侮無事守城外轄興化守禦所千戶

國朝順治三年革高郵衛指揮等官設衛守備一員五所千總五員仍司城守及高郵江都寶應天長四州縣漕運屯田後併歸揚州衛

八年揚州營撥兵四十名駐防州城庫獄

康熙四年六月奉文建設高郵州城守汛調揚州營千

總官一員兵五十名駐防

高郵州志康熙十七年裁衛守備一員千總三員併入揚

州衛仍留千總二員輪流隨幫押運所屬軍丁僅充旗甲領運漕船先是揚營千總官兵駐劄城內防守倉庫其城外鄉村盜警但責之有司捕官嗣裁衛所地方悉隸營汛十八年總河靳輔請設高寶防河營守備千把官

兵官 二十五年揚州營撥兵五十名添防郵汛共額官兵一

百一員名

內千總官一員馬兵六名戰兵九名守兵八十五名

分派塘汛六所

內安

設南門外孟城驛塘馬兵五名步兵六名巡湖步兵六名北門外通湖橋步兵六名泰山廟步兵五名後撤六漫開塘撥步兵一名界首鎮塘馬兵一名步兵七名其餘官兵六十四員名存城操防

四十七年閏三月時因水災經狼山總鎮檄撥標兵五

十名分派郵汛暫添巡防事平撤還按城內鎮國寺安兵十六名南水關

關帝廟安兵五名三官殿安兵十六名上真殿安兵八名毘羅庵安兵五名

五十年奉江南提督於步戰兵內改設哨官一員駐防界首添造巡船率兵哨緝未幾汰除時高郵汛共額官

兵九十一員名內存城千總官一員馬兵五名步兵二十七名南門外塘馬兵一名步兵六名

京塘步兵二名通湖橋步兵六名六漫閘步兵六名京塘步兵二名界首鎮塘馬兵一名步兵六名三十里鋪

步兵六名車邏鎮步兵六名清水潭步兵六名以上三塘係在康熙五十等年添設舊額兵數續經撤調共一

十名同營

雍正二年添置新口子看花洞二塘各派兵五名內於沿河

各塘兵內抽撥額皆定以五名

七年六月添設外委千總官一員協防額係揚營馬兵改補本汛給以

隨丁守兵一名

九年八月奉裁南門外六漫閘二京塘守兵四名

十三年添置馬棚灣塘派兵五名內於存城兵內撥防

乾隆七年淮水漲漫災黎依堤棲止是秋經兩江總督

宗室德沛檄委江寧協標右營中軍守備向宏勳帶領

官兵一百員名駐巡高郵州城廂四境彈壓事平撤還

嘉慶十八年添設外委把總官一員駐界首鎮與原設

之城守外委把總同為千總協防以沿河三十里鋪車

邏五里壩通湖橋新口子五塘汛及下河東南鄉地方

屬城守外委把總管清水潭馬棚灣六漫閘看花洞界首五塘汛及下河東北鄉屬界首外委把總管添兵三十名以二十名存城差操以十名隨界首汛外委把總巡緝是年柘湖西地方添設官兵專置水南北汛

道光四年閏七月內添設額外外委把總一員協同催儻巡緝接護差徭十二月內又奉于本營派撥額外外委把總一員帶汛兵十名駐樊汭鎮緝私

七年九月移駐左軍守備一員添兵二十名又撤回樊汭緝私之額外外委把總一員兵十名歸左軍督率專司催儻空重兩運漕船巡緝高寶二屬私鹽事務十一

年七月奉兩江總督委赴三汊河堵緝俸梟按該汛現在額設馬

步戰守兵一百四十八名內馬兵十二名外委額外四員在額步戰兵二十名守兵一百十六名分駐沿河十塘汛每塘派兵五名左軍守備巡兵三十名界首汛外委巡兵十名南門外塘撥馬兵一名界首塘撥馬兵一名餘皆存城防守庫獄接護差徭彈壓地方等事

高郵州水南北汛

明以前兵制詳見高郵汛

國朝定鼎以來至康熙二十五年高郵汛添設駐防兵丁

時派有巡湖兵八名屬揚州營高郵汛千總轄

嘉慶十八年六月于添設官兵案內奉文建立水南北

汛設把總官一員帶兵二十五名駐防水北橫塘橋設

外委把總官一員帶兵十五名駐防水南凌塘橋其地
係屬湖濱並未建置墩塘以運河西岸湖堤與高郵汛
分界

二十五年七月添設額外外委把總一員駐金溝鎮協

巡按該汛額設馬步戰守兵丁四十名除外委額外
二員在馬戰額內實在步戰兵八名守兵三十名

寶應縣城守汛

宋南渡後江淮用兵陞為寶應軍

明屬高郵衛所守禦信境

國朝順治初年城守隸寶應縣捕官

八年揚州營撥兵二十名駐防縣城庫獄

康熙五年九月奉文建設寶應縣城守汛調揚州營把

總官一員兵五十名駐防後分派塘汛一十四所內安設縣

城庫獄步兵七名東門禁步兵二名西門禁步兵二名

南門禁步兵二名北門禁步兵二名小南門禁步兵二

名躍龍水關步兵一名南門外安平驛塘堡馬兵五名

巡湖步兵五名城南宏濟閘步兵五名劉家堡步兵二

名汜水鎮步兵五名界首鎮北步兵五名

二十五名揚州營撥兵三十名添防寶汛共額官兵八

十一員名內把總官一員馬兵五名分派塘汛七所內

設南門外塘馬兵三名劉家堡步兵三名宏濟閘東鄉
共步兵一十六名西湖巡兵一十八名汜水鎮步兵五
名界首北步兵三名黃浦步兵六名
其餘官兵二十七員名存城操防

四十等年續添塘汛三所派兵一十五名時撤宏濟閘
湖西兵丁添

設白田鋪步兵五名即今龍王廟汛北攬軍樓步兵五名即今北門外汛八淺步兵五名

五十等年續添塘汛二所派兵四名內添設小瓦甸步兵二名南門外京

塘步兵二名

五十年奉江南提督於步戰兵內改設哨官一員駐防

汜水添造巡船率兵駕緝未幾汰除

雍正七年六月添設外委把總官一員額係揚營馬兵改補本汛給以

隨丁守兵一名

九年八月奉裁汜水鎮北門外二京塘守兵四名

乾隆七年秋水漲漫田廬災民徙處經兩江總督宗室

德沛檄委奇兵營遊擊張鵬翹領兵七十名駐巡寶邑

城廂四境又東鄉白塚莊奉委督標官兵二十一員名

事定俱撤

嘉慶十四年三月以衡陽汛千總改駐寶應以寶應汛

把總改駐衡陽時該汛額兵八十八名內分駐沿河之七里開汛兵五名汜水汛兵五名瓦甸

汛兵五名劉家堡汛兵五名龍王廟汛兵五名北門汛兵五名八淺汛兵五名黃浦汛兵五名北門外塘撥馬

兵一名汜水塘撥馬兵一名存城防守庫獄接護差徭馬步兵四十六名外委在馬戰額內

十八年添設官兵案內添兵二十名

道光四年閏七月添設額額外委把總一員

九年正月十三日奉准兵部議覆寶應縣湖西一帶地

方劃歸衡陽汛把總外委專防凡地方失察處分均歸

衡陽汛開叅並抽撥兵十六名貼防衡陽按該汛現在額設馬兵九名外委額外二員在內步戰兵十一名守兵七十三名

寶應縣衡陽鎮汛

後漢魏將鄧艾開築白水塘與衡羨等塘合屯田積穀以制吳

宋時為衡陽阜又有三角村皆當年邊兵經行橫趨大儀之路

明設衡陽鎮巡檢司駐防領有弓兵是時烟戶叢聚末年流賊屯於鎮南之龍窩集土民堵禦未幾遭其焚掠市井為墟

國朝順治初仍置衡陽司時因亂後民稀地罹水患故移駐黎城鎮改衡陽為衡羨莊

康熙五年九月寶應縣添駐揚州營官兵衡陽鎮地隸湖西汛防

雍正二年九月奉文建設衡陽鎮汛調揚州營千總官一員兵三十名協領泗州營兵二十名駐防崙司巡緝

湖西私鹽其地方仍歸寶應縣汛時衡陽僻處湖西俚梟踞為淵藪與販私

鹽西去水程直達洪澤湖運入泗盱等處南去旱道奔雲雨諸山舟載驢駝橫行無忌往往拒敵官司肆其騶張深為淮引之害經兩江總督查弼納檄委揚之府營擒其渠魁懲之以法散其夥黨招撫為兵地始稍稱斂戢因請添駐弁兵專司巡緝

七年六月添設外委千總官一員協防

額係揚營馬兵改補本汛給以

隨丁守兵一名

乾隆七年奉文兼巡緝盱眙縣屬湖下寺一帶私鹽

按乾

隆五年泗州營詳墩貼防衛汛兵丁二十名回泗添巡盱邑明光集湖下寺奉委狼鎮中軍遊擊金聲聞廬州營都司陳士豪會勘議留兵五名防衛餘兵撤回即於揚營馬橋三汛內抽兵九名補額兼以寶邑湖西信地割隸端防經兩江總督批藩運二司覆議無庸紛更舊制以湖下寺等處私鹽令衛汛揚泗二營官兵就近巡緝准行在案

嘉慶十四年三月以千總員缺與寶應汛把總對調

道光四年七月泗州營貼防兵丁二十名撤回不隸衛

陽汛管

九年正月十三日奉准兵部議覆寶應縣湖西地方劃歸衛陽汛專防是時本汛額兵止存二十四名又于寶應汛撥兵十六名以把總帶兵二十五名駐觀音寺以外委千總帶兵十五名駐黎城鎮請建湖船四隻以資官兵駕巡運司以庫貯支絀議照各營汛僱船巡緝之例給價自行僱巡俟庫充再行造辦

附揚州府三江營

明嘉靖間沿江備倭三江口始駐把總官兵七百五十員名樓巡福槩梭等戰船四十四隻西至深港抵儀真營守備界東至廟港抵周橋永生二營把總界所屬江

防北岸信地通計一百四十四里統歸揚州叅將轄

明會

典嘉靖間倭寇議調指揮防禦
隆慶三年始設三江營把總

國朝順治初年設立三江營額設守備官一員千總官一員把總官二員兵五百名後減至二百五十名備防大江北岸上接瓜洲營江汛下接狼山營廖角嘴洋汛兼管七十二洲大小河口烽墩木樓信地

十六年倭警揚州營官兵駐防嘶馬鎮及三江營事定

撤還其內地仍屬永生洲營

後併周橋為泰興營

康熙間裁撤京口水師兩鎮時三江營官兵移駐泗州營仍留把總一員防江繼歸併瓜洲營大橋汛

五十七年以江寧府江防同知分駐揚州三江營兼管鹽捕並調京口水師協右營千總官一員兵一百五十名禦防江面

雍正十年改鹽捕同知為江南分巡兩淮鹽務道加兵備銜

十三年十月經兩江總督請以鹽務道移駐泰州壩三江營設立守備官一員兵八十名就近歸揚州營遊擊管轄

乾隆元年四月建立三江營守備召購兵馬起造兵房軍械備巡內地陸路私鹽所管四境其江汛仍屬京口

水師右營三江汛防內地東屬泰興營汛防西屬瓜洲營大橋汛防北屬揚州營鈔關汛防

二年安設三江營大橋鎮張網溝三塘撥兵崑司郵遞五年六月於馬戰額內改設額外外委把總一員協巡

總督委補不給隨丁後奉文各外委千把俱由狼鎮考拔

六年裁鹽務道其三江營官兵巡鹽事務歸兩淮都轉鹽運使司鈐束仍屬揚州營管轄

七年四月奉調額外外委把總一員兵三十名暫駐廟灣鎮協領快役巡緝梟販

八年三江營官兵巡鹽事務改歸管理江南淮揚海河

務道鈐束仍屬揚州營管轄十月又於馬戰額內改設額外外委把總一員協巡

九年十月奉撤廟灣鎮駐巡官兵回營

十九年六月奉撥巡役三十四名歸營管轄

內准分司十名通分司二十四名係十一二兩年改派京口水師右營千總約束至是奉鹽政改歸陸路巡緝未久裁撤並裁去額

外外委一員歸還馬戰兵額

四十七八兩年奉文裁汰隨糧公糧

嘉慶十一年於徐州改鎮添兵揚營改隸漕標案內奉兩江總督奏明將三江營經屬狼山鎮標統轄不隸揚

營兼轄

二十五年十二月奉狼山總鎮以揚州營邵伯汛把總
一缺撥歸三江營再添設額外外委一員爲把總協防
在馬戰兵內選拔奏明在案

